

Broj: 01-53-5-810-2/24  
Sarajevo, 19-01-2024

Skupština Kantona Sarajevo  
Reisa Džemaludina Čauševića 1  
71000 Sarajevo  
Bosna i Hercegovina  
n/r Elvedin Okerić, Predsjedavajući Skupštine Kantona Sarajevo

**Predmet:** Odgovor na zastupničku inicijativu Zastupnice Danijele Kristić – dostavlja se

Poštovani,

Slijedom zaprimljenog akata putem Skupštine Kantona Sarajevo broj 01-04-53807-11/23 od 29.12.2023. godine, kojim je Zavodu zdravstvenog osiguranja Kantona Sarajevo dostavljena zastupnička inicijativa Zastupnice Danijele Kristić, a koja se odnosi na izmjenu Uredbom o obimu, uslovima i načinu ostvarivanja prava osiguranih lica Kantona Sarajevo na medicinska sredstva i da se kroz tu izmjenu omogući refundacija nabavke komunikatora za neverbalnu djecu, obavještavamo Vas kako slijedi.

Uredbom o obimu, uslovima i načinu ostvarivanja prava osiguranih lica Kantona Sarajevo na medicinska sredstva ("Službene novine Kantona Sarajevo" 22/20, 30/21, 42/22, 48/22, 21/23 i 1/24) utvrđen je obim, uslovi i način ostvarivanja prava osiguranih lica Zavoda zdravstvenog osiguranja Kantona Sarajevo na korištenje medicinskih sredstava koja se osiguravaju na teret sredstava obaveznog zdravstvenog osiguranja.

Članom 7. pomenute Uredbe propisane su specifične medicinske indikacije i prava na medicinska sredstva, koji glasi:

(1) U slučaju specifičnih medicinskih indikacija, osiguranom licu izuzetno se može odobriti određeno medicinsko sredstvo u zavisnosti od njegovog zdravstvenog stanja i oboljenja, a koja nisu predviđena ovom uredbom, a ista su mu neophodna za kvalitetniji život.

(2) Odobrenje medicinskih sredstava u slučaju iz stava (1) ovog člana predlaže Komisija koju formira Upravni odbor Zavoda i koju čine specijalisti odgovarajuće grane medicine, a konačnu odluku, u zavisnosti od raspoloživih finansijskih sredstava, donosi direktor Zavoda na prijedlog Komisije.

(3) Uz zahtjev za odobrenje medicinskih sredstava iz stava (1) ovog člana, osigurano lice je dužno dostaviti medicinsku dokumentaciju sa detaljnim obrazloženjem medicinske indikacije, koju daje isključivo ovlaštenu ljekar određene specijalnosti koji je i preporučio predmetno medicinsko sredstvo, uz mišljenje prema utvrđenoj proceduri odobravanja i propisivanja.

Shodno navedenom, svi Zahtjevi osiguranih lica za refundaciju nabavke komunikatora za neverbalnu djecu, će biti razmotreni u skladu sa Uredbom.

Zavod će kontinuirano nastaviti raditi na unaprjeđenju prava svih osiguranih osoba i vršiti stalne analize svih iznesenih prijedloga s ciljem daljnjeg unaprjeđenja prava svih osiguranika.

S poštovanjem,



DIREKTOR

Mr.sci.oec. Muamer Kosovac